

刻寶坻政書序

予凡素公之令吾邑也以清儉律身以慈仁接
衆以恭遜事上以正大睦僚以禮法訓士以嚴明
馭胥史以至誠格鬼神吾邑二百五十年来所未
有之良牧也豈惟吾邑為海循良亦未有或
先之者在任五年賢聲赫々前後膺二十七
薦最後膺桂會蹕薦公備兵海上忌者媒

序

一

孽之僅々擢部屬以玄未逾月即監兵東
征間闕異域功蹟茂著迺竟以謫歸讀朝
鮮陪臣字元翼所著生祠碑記述公之勤
勞甚備嗟夫人有如是才望勳勞而竟如
是愛之豈盛世所宜有耶公去之日士民
已刻德政錄矣迺劉王二君以不盡公之蹟也
故輯實錄三書十二卷視前錄不啻備之

發疑不敢增飾一語但取公文移示諭
之見諸實事者次第編之而恨公所條列
皆揮筆立就大半無稿其有稿者各房
胥吏俱已更易非公舊人屬索不得其全
所錄者止十之二三耳然嘗思一箇邑知全
味矣公朔望赴學輒與諸生講解借經
義為心傳童儒父老環旁而觀聽者
不下數十百人五年間學庸論各幾編許
生爭錄而傳誦之擬刻入錄中以文無不能
載異日當別擇以傳

尚書潘城孫知縣治下生邑人邵贊頓首
拜撰

寶坻政書卷之一

了凡雜著十一

門生

劉邦謨
王好善編輯

祀神書

先生初下車即作文自誓於城隍之前聞者皆聳然動心四五年間事上治民守身接人率能踐其言云平居祭祀守戒甚嚴故每禱輒應天人相感之理不誣哉不誣哉輯祀書到任祭城隍文

維萬曆十六年六月初九日禮部議政進士袁黃奉

寶坻政書卷之一

命來知寶坻縣事謹以牲醴致祭于

本縣城隍之神曰黃不肖數罹大過歆寡之未能也然素有體物恤民之志今將實見之行事敬與神約吾願恭順以事黜慢不恭神殛之吾願明潔以事神享祀不潔神殛之吾願虛懷樂善以事邑之賢者侮慢自賢神殛之吾願崇儉以厚風俗侈食縱酒神殛之吾願寧失不經以活無知犯法之民不能活神殛之吾願興民之利而闢其荒蕪不然者神殛之吾願防民之患而修其溝畛不然者神殛之聽訟則不但

心而使之無訟不然者神殛之用刑則不但鋤強
遏惡必思所以養其良而心使庶恥日生不然者神
殛之賦役則不但不敢額外加徵必思所以曲為
區處而使額內之數漸減不然者神殛之徭役則
不但一時恤民之力必思所以立法調停而使享
永世之利不然者神殛之治事則不但發已自盡
必思所以循物無違而使衆志皆通不然者神殛
之愛人則不但使居者願耕於其野亦使行者願
出於其途而無忘賓旅不然者神殛之至於納民
之賄殘民之命凌虐士類陷害同僚則尤不肖之
甚者神其速殛毋恕若夫雨暘時若疫癘不侵則
神之事也予治其明弗及其幽願默賜寵綏以相
予之不逮合境神祇同此證明尚饗

申府置祭器文

為遵舊制備器物以隆典禮以靖地方事查得須
知冊內

文廟一所祭器什物共一百七十二件

社稷壇兩所祭器什物共七十三件

風雲雷雨山川壇一所祭器什物共八十一件

三厲壇一所祭器什物共四十七件即今

造冊俱開稱各物備具及覈實其數僅有儒學祭器賴教官吳彰稽古訂今悉心成辦委係無缺其餘各項並無一件典禮雖有常器冊籍全係虛文上下相朦習成故事及時當行祭則一應器皿皆責辦于地方物用有耗損之虞隸胥亟需索之費不特借常豆為禮器褻慢神祇且復索公物于私門騷擾里甲又如察院太僕寺府廳三處聽候經臨各上司駐劄與鄉飲公晏酒席等項皆有一應什物查公署三處止額編案衣坐褥傘扇鋪陳銀一十八兩其餘家火額無編載遇用皆於地方暫借自卑職到任以來里甲舖行久已裁革前項什物豈容再擾今擬上遵

朝制下酌時宜將前項器用逐一估計查得本縣見有倒死官樹四十七株其成材可用者即鋸板聽用其朽壞無用止堪作柴者咸變價發賣以為匠作工食之資今已造完檯二十四張凳十條餘凡用木者皆可次第造用不煩賠費其餘諸物約更用銀四十一兩九錢一分所費不多查庫貯有鮮剩檯柴銀一百四十二兩八錢除將一百一兩七錢八分抵鮮柴銀

兩二分置辦前物其不足之數本縣另行設處其一應細物皆貯縣庫着庫子收管其卓椅等物皆貯各廳內着陰陽生看管近年驗明交換即將前項編銀十八兩為節年修理之費則典禮明而地方不擾器用備而永遠可遵矣卑縣未敢擅便擬合請詳定奪為此今備前由具申伏乞
照詳施行

禱雨自責文

余小子智術淺短待罪甸邑當春小旱至厓

聖慮發

卷之二

四

明詔督令祈禱竊謂陰陽不和咎在縣吏余小子罪若螟毛姑畧陳之以待上帝百神之察吾嘗治心幽獨晝之所行夜必焚香告天矣然欲潔而故汚既悔而旋犯德之不醇如故也吾嘗立威於刑罰之外正衣冠尊瞻視祁寒盛暑不廢矣然退食深居褻慢時有也吾嘗念里甲之煩苦夫馬雜役悉蠲除矣然法制未及調停而那移催募後將難繼也吾嘗憫舖行之累而私用公需給價平易矣然御下不嚴不能保其盡不擾也吾嘗遵時制省冗役若箭手醫馱之屬皆罷道以寬民力矣然使人

無術現在供役者不能必其盡效忠也吾嘗察之
弊傷紀法而胥史隸卒競稱貧而求去矣然聰明
未逮防範未周乘間舞法者未必盡無也吾常慕
周易損上益下之訓而政拙催科矣然公私交迫
時懼叅罰則不得盡從寬也吾嘗師蓋公之意信
蘇軾之言而奸容徹市矣然禁令在前憂讒畏譏
不得盡弛而不察也吾嘗重德禮薄政刑而鞭朴
從輕矣然頑民未率教化未孚不能盡措而不用
也吾嘗憐無知犯法之民而焦心力辨矣然積誠
未至仁心未洽而民猶不知自愛也 嘗堅苦節
絕苞苴而私衙清若寒水矣然情非絕世迹類孤
高而人倫君子未盡洽也吾嘗入覲不持本縣一
錢矣然私橐既空公禮俱廢於義未盡協也吾嘗
急課寡孤獨之養而立法廣育矣然窮民尚聚力
量難周不克顧此而失彼也吾嘗蠲祿以葬饑骨
寬罰以贖孤兒矣然兌聞有限小惠弗徧也吾嘗
接下思恭而使民對吏常存敬畏矣然亟養未純
法令有所不行時或厲色而不覺也吾嘗朔望群
多士而按之經誨諄故迪以共同於善矣然躬
行無力教未盡也

民矣然防察不周起居或晏而公事不無稽閣也
吾嘗欲民之善遇老者勸其慈遇幼者勸其孝遇
強者勸其和遇忿者勸其息而隨訟施教矣然涼
德劣行民未信也吾嘗摧轂同寅引掖善類矣然
力微勢卑不能保其必舉必先也吾嘗嚴鋤姦橫
懲一警百矣然察惡不精豪強未盡歛迹也吾嘗
請罷採石之夫匠車輛而饑民得休恤矣然僅免
一年而上令敦催則不敢復請也吾嘗供送親王
物料馬匹皆曲處周旋而不費民力矣然愛民太
厚而事上之禮或未隆備也吾嘗

卷之二

隄防矣然不暇給而患未盡去刑
與也吾嘗
思家邦之御起於閨門倡以至德和以大道而相
信相從藹如琴瑟矣然道力輕微欲情濃郁而枕
席之間隱微之際不能無逸行也吾嘗憫城內外
火夫等役偏累貧民而速為停免矣然守禦未備
供應乏人而制非經義也吾嘗講求良法保甲有
書矣然奸宄倚法為奸不得竟其事而賊盜時有
也吾嘗辨清軍之擾而勻補募兵力為申止矣然
冊籍未訂軍丁猶苦而不能盡祛其害也吾嘗憫
養馬之苦而請免其遺責一其罪贖且閒時不行

點榎印時必求寬驗矣然分田寄養猶未能請復
舊額也吾嘗遇齋戒則虔心思惕奉祭祀則備物
盡誠矣然戒久則難持人衆則難察而交神未必
其盡禮也吾嘗餐廣大濟世之願上自君相察屬
中至師友寃親下及昆蟲鳥獸日扣頭而祝其福
矣然有願無力居然間隔也吾嘗崇儉素簡禮儀
正福倡以厚道矣然德薄流漓風俗未盡丕變也
吾嘗恤闔割之傷和氣而悉為禁約矣然已宮者
未能悉教以禮義也冥頑不靈昭明禁而觸幽網
者不可勝數然罪皆在予則罰亦宜在予不冝重
困此一方之民也願取其志而矜其所未能諒其
誠而恕其所不逮使其雨早降變災為稔不勝倦
倦大願

卷之五

七

時不雨三月矣禱畢白日方烈陰雲忽生公未

旋車大雨如注明日又雨四郡沾足遂成豐年

疑獄告神文時有流民王伯為人而殺棄屍于

段人大事也城隅近地也予不職淫恣大變兩訪

弗獲計窮矣齊戒請命于神神其告我

公是夜夢兄弟二人同行傍人指其弟曰汝

人者也明畏目而得之一訊而服

御吏書

一三

先生正已率物馭下以誠不察察為明不瑣瑣為苛吏或欺之怡然不校也先生初至詞狀皆收貯于堂諸胥請分之于各房從之逾月各吏環跪請還堂自收曰民不求我狀雖在房何益先生復笑而從之蓋先生平易近民民不畏吏又詞訟隨至隨完庭無留事故不尚威嚴而門庭肅然輯御吏書

取各房職掌牌

為公務事照得吏部所給須知冊新官到任谷吏

吏部

本

臨時捏轉無益實用本職仰遵成命不敢視為虛文着該縣各該吏書人等照依冊內事理依款登答攢造書冊到任次日呈遞以憑本職遵照施行如有隱漏差錯定行重治各取不違其結同冊送呈為此

計開

吏房開本衙門各房司吏外典吏幾名丁憂緣事幾名候缺農民幾名書手幾名所屬吏書幾名有無完缺各衙書手幾名本衙門及各屬各衙書手比舊增幾名或減幾名

司吏一名

一名某人年幾拾幾歲某府某縣某籍某年某月某日叅充歷役幾箇月

典吏幾名

一名某人年幾十幾歲某府某縣某籍某年某月某日叅充歷役幾箇月各吏專管何事等

房科亦同

候缺農民幾名

一名某人年幾十幾歲某府某縣某籍某年某月某日納銀即今作何差用

卷之二

禮

丁憂吏幾名

一名某人年幾十幾歲某府某縣某籍某年某月某日叅充歷俸幾箇月某年某月某日丁某憂扣至某年某月某日服闋

緣事吏幾名

一名某人年幾十幾歲某府某縣某籍某年某月某日叅充於某年某月某日為某事未決某房某科書手共幾名

一名某人年幾十幾歲某府某縣某籍於某年某月某日入縣書寫項某人名缺或某衙門

某官送入經今幾年有無過犯

各衙門各屬書手照此開寫

戶房夏稅若干內起運若干存留若干何項為最
急何項為次急何項為稍緩如何為及期如
何為遲悞見今徵過若干解過若干拖欠若
干

秋糧馬草各照此開寫

鹽鈔若干內起運若干每年帶徵閏月銀若干其
銀計丁辦納或於地畝均攤作何徵解鹽法
衙門曾否支鹽

卷十一

站糧銀幾項協濟某處共若干今徵若干解若干
銀差幾項一一細開急者即於本項下註一急字
緩者即於本項下註一緩字何為及期何為
遲悞徵過若干拖欠若干

力差若干件各役自支銀或官徵銀給散有無耗
贈

經費若干件共銀若干即今徵過銀若干用過銀
若干

民地若干萬曆年間量過若干有何冊可據即今
見徵若干新開荒若干每畝徵銀若干

灶地若干舊額若干即今見額若干每畝納銀若干

實在人丁若干上上丁若干每丁納銀若干其餘八等照此開役占人丁若干上上丁若干每丁編銀若干其餘八等照此開供貼人丁若干上上丁若干每丁編銀若干其餘八等照此開

商稅銀若干徵過若干未完若干

該縣有無義倉如有創自何年即今貯穀若干或放與何人係何人掌管有無冒領虛關情弊

卷之十一

十一

縣庫原係何人看管年該收銀若干分為舊管新收見在各若干有無那移借貸看守人役

有無繁苦便益

架閣庫黃冊有無完全庫房各無冊楨有無吏役看守

禮房開應祭壇宇幾所祭器什物全否今存若干毀棄若干境內有無先賢祠墓古蹟與夫忠臣烈士及見在義夫節婦孝子順孫并恬退隱逸禮應褒異者幾人鄉宦見任幾人致仕幾人及舉人監生生員儒士幾人其接見常

規一一開明

兵房開軍丁若干清查有無逃亡死絕憑何冊籍
查考本衙各衙皂隸若干名各項跟隨人役
若干名有無白役壞事弓兵若干名守何關
隘箭手若干名若何防禦工食何從出辦長
夫若干名民壯若干名平時作何操練有無
包替及一人冒充數役者舖兵若干名何處
地方孔道何處偏僻空閑寄養馬匹原額若
干數見在若干照地養馬舊額若干頃畝今
增減何如

卷之一

十一

刑房開在監囚犯幾名死罪若干名卑罪若干名
徒杖各若干名見監聽問若干名各開畧節
候問者為某事因何未結監外有無別所監
候有則照數開報

提牢吏幾名禁子幾名監內潔淨否牆垣門扇
牢固否

工房開歲辦軍需幾何各衙門公廨及舖舍橋樑
幾所有無倒塌去處應否修理察院分司椅
桌床凳鋪陳幾件有無損壞本縣三年大滂
堤岸即今若何何處最緊宜修何處雖修未

固宜增築

軍器有無置造即今有無存貯

皇木車已經工部處分其車銀何從出辦曾編入工額否曾徵否其四輪車幾輛每輛大戶幾名有無偏累情弊今當作何區處可蘇民困各房通開節年奉到各上司轉行勘合未完若干撫按司府州各衙門循環若干件何件該月報何件該季報何件該年報上司詞訟若干件何件未完因何擔擱作何處完上司牌票若干件何件宜緊何件宜緩一一按實開報

頭卷之一

三

不得遺漏

以上數條件各據本房文卷及節年現行條例開報不必拘人吊卷以滋騷擾其六房各將承行之事造冊先書吏某人同書手某人攢造以待本職驗勘地方事件各處有無不同如此單開載不全亦要盡數開出不得因循失悞

禁約吏書榜

承行

上司文移大事限十日完小事五日小事三日違

限一日責五板申送

上司文書 差一字責五板有規避者從重論
不奉呼喚上堂責五板 呼喚不到責五板
說謊者責十板

諭乞休書隸示

十六年九月

水清苦則獺先遁官清苦則民不樂從爾輩曩時爭
求服役本縣有不遠數千里而來者今紛紛告退豈
苦也乎哉吾與若輩約書手告退者勿得補南人老
人告退者聽擇可則留不可則去民壯告退者即時
選補皂隸快手告退者里老報補不許私相授受陰
陽生告退者不准門子告退者聽